

## ბორჯომის მუნიციპალიტეტის „სამოქალაქო ბიუჯეტი“-ს ფორმირების წესი

„ადგილობრივი თვითმმართველობის კოდექსი“-ს 85-ე პრიმა მუხლის პირველი პუნქტის და 54-ე მუხლის პირველი პუნქტის ე.ე ქვეპუნქტის შესაბამისად:

მუნიციპალიტეტის ბიუჯეტის განაწილებისა და ხარჯვის პროცესში მოქალაქეების ინტერესის გათვალისწინება სულ უფრო მეტ მნიშვნელობას იძენს თანამედროვე დემოკრატიული მმართველობისა და მოქალაქეთა ჩართულობისათვის. ბორჯომის მუნიციპალიტეტის მხრიდან ადგილობრივი ბიუჯეტიდან გამოყოფილი გარკვეული თანხები ადგილობრივი მოსახლეობის ინიციატივების შესაბამისად, საშუალებას მისცემს მუნიციპალიტეტის მკვიდრთ განახორციელონ მათთვის მნიშვნელოვანი პროექტები (ინფრასტრუქტურული, ახალგაზრდული, საგანმანათლებლო, ან კულტურული, სოციალური, სპორტული და სხვ.), ანუ მათ თავად შეუძლიათ მიიღონ მონაწილეობა მომავალი წლის ბიუჯეტის დაგეგმვაში და თვალყური ადევნონ მის განვითარებას.

ბორჯომის მუნიციპალიტეტის 11 ადმინისტრაციული ერთეული დაჯგუფებულია და წარმოდგენილია 6 ზონად:

I ზონა– ბორჯომი ლიკანი;

II ზონა– დაბა ბაკურიანი : ციხისჯვარი,ანდეზიტი,ბაკურიანი,დიდი მიტარბი,პატარა მიტარბი,თორი;

III ზონა – დაბა ახალდაბა: ყვიბისი,ახალდაბა,კორტანეთი,ვარდგინეთი, ბეშეთი, ზანავი,რველი.

IV ზონა – დაბა წალვერი:

პატარა ცემი, ტბა, ცემი, წალვერი, სადგერი, ტიმოთესუბანი, ლიბანი, მზეთამზე, წინუბანი,მაჭარწყალი.

V ზონა – ტაბაწყური: ტაბაწყური, ბალანთა, მოლითი, ჭიხარულა.

VI ზონა – დვირი: ჩითახევი, ქვაბისხევი, დვირი, ჭობისხევი, ტაძრისი, საკირე, დგვარი.

- ✓ მომდევნო წლისათვის მუნიციპალიტეტის ყველა, ექვსივე ზონისათვის „სამოქალაქო ბიუჯეტი“-ს პროექტების ღირებულება განისაზღვრება, მუნიციპალიტეტის ბიუჯეტის ფარგლებში. ბიუჯეტის საბოლოო ფორმირების ეტაპზე წარმოდგენილი პროექტების დაფინანსების თაობაზე გადაწყვეტილების მიღებისას შესაძლებელია საპროექტო ინიციატივებმა განიცადოს კორექტირება (ავტორთან შეთანხმებით), მისი ტექნიკური, იურიდიული და ფინანსური ხასიათიდან გამომდინარე;
- ✓ მოქალაქეთა კოორდინაციისა და ინფორმირებულობისათვის, პროექტის ფარგლებში წარმოდგენილი იქნება მუნიციპალიტეტის კოორდინატორი და ასევე ადგილობრივი კოორდინატორები. ისინი ვალდებული არიან მუდმივ კონტაქტში იყვნენ

მუნიციპალიტეტის კოორდინატორთან და მასთან ურთიერთშეთანხმებით იმოქმედონ.

- ✓ ადგილობრივი კოორდინატორები ირჩევიან ადგილობრივი მოსახლეობიდან და ასევე სამუშაო ჯგუფებიდან. მათი დანიშნულებაა მოსახლეობასთან მუშაობის კოორდინაცია, მოსახლეობის ინფორმირებულობა და მუნიციპალიტეტის საკონტაქტო პირებთან დაკავშირება პროექტის ფარგლებში.
- ✓ საპროექტო ინიციატივების შემუშავებისათვის შეიქმნება მოსახლეობისგან შემდგარი სამუშაო ჯგუფები. ისინი გამოვლენილი პრიორიტეტებიდან ჩამოაყალიბებენ პროექტებს, რომლებსაც შეათანხმებენ ასევე თავის თემში / რაიონში, გადაწყვეტენ ერთობლივად რომელი პროექტი განახორციელოს ბორჯომის მუნიციპალიტეტმა შემდეგში.
- ✓ თავის მხრივ მუნიციპალიტეტში შეიქმნება სამუშაო ჯგუფი საპროექტო ინიციატივების შესამოწმებლად / დასაკორექტირებლად. პროექტიდან გამომდინარე მუნიციპალიტეტის სამუშაო ჯგუფი თანამშრომლობს მოსახლეობის სამუშაო ჯგუფთან.
- ✓ კოორდინატორები ბორჯომის მუნიციპალიტეტის წარმომადგენლებთან, საზოგადოების წარმომადგენლებთან, არასამთავრობო ორგანიზაციებთან ერთად, ბორჯომის მუნიციპალიტეტის ურთიერთკოორდინაციით, განახორციელებს სამოქალაქო ბიუჯეტის პროგრამის ფარგლებში განსაზღვრულ საქმიანობას.
- ✓ „სამოქალაქო ბიუჯეტი“-ს პროექტში მონაწილეობის უფლება აქვს ბორჯომის მუნიციპალიტეტში მცხოვრებ ქმედუნარიან 18 წლის ასაკს მიღწეულ სრულწლოვან მოქალაქეს;
- ✓ მოქალაქეს შეუძლია წარმოადგინოს ისეთი საპროექტო ინიციატივები, რომელთა განხორციელებაც შედის ბორჯომის მუნიციპალიტეტის თვითმმართველობის კომპეტენციაში და ემსახურება საზოგადოებრივ კეთილდღეობას. პროექტი წარმოდგენილი უნდა იყოს სპეციალური სააპლიკაციო ფორმის მეშვეობით, რომლიც უნდა გამოიგზავნოს მუნიციპალიტეტის ელ-ფოსტის მისამართზე [borjomimunicipality@gmail.com](mailto:borjomimunicipality@gmail.com), ან შემოტანილ იქნას ადმინისტრაციის შენობაში, კანცელარიაში. სააპლიკაციო ფორმები ხელმისაწვდომი იქნება ლოკალურ კოორდინატორებთან, ბორჯომის მუნიციპალიტეტის წარმომადგენლებთან ადმინისტრაციულ ერთეულებში, მუნიციპალიტეტის კანცელარიაში და მუნიციპალიტეტის ოფიციალურ ვებ-გვერდზე <http://borjomi.org.ge/>

- ✓ პროექტების წარმოდგენის ვადა განსაზღვრულია : მიმდინარე წლის 31 ივლისის ჩათვლით;

## სამოქალაქო ბიუჯეტის პროექტის წარმოების წესი:

### I ეტაპი

#### მოსახლეობის გამოკითხვა 20 ივნისი - 10 ივლისი

გამოკითხვა ჩატარდება ყველა სოფელსა და ქალაქში. გამოკითხვას ჩაატარებენ დამოუკიდებელი ინტერვიუერები. გამოკითხული იქნება ადგილობრივი მოსახლეობის მთლიანი ოჯახების რაოდენობის 5 %. გამოკითხვის ბლანკის შევსება ასევე შესაძლებელია ელექტრონულად WWW.GFA.GE საიტზე.

### II ეტაპი

#### შეხვედრები მოსახლეობასთან სამუშაო გუნდის არჩევა 10-20 ივლისი

ყოველ გამოყოფილ ზონაში ჩატარდება 1 შეხვედრა ცენტრალურ სოფელში. შეხვედრის დროს შეიქმნება სამუშაო ჯგუფი მინიმუმ 2 ადამიანისაგან, ყველა სოფლიდან. შეხვედრაზე ისინი იმუშავებენ პრიორიტეტული პრობლემებისა და მომავალი პროექტების დეტალურ აღწერაზე.

### III ეტაპი

#### პროექტების დეტალური დამუშავება 21 ივლისიდან 01 აგვისტომდე

ჯგუფებს ექნებათ საშუალება დეტალურად აღწერონ თავიანთი პროექტები სპეციალური შეხვედრების დროს. მოსახლეობას აქვს შესაძლებლობა აირჩიოს 1 პროექტი. გამოკითხვის ჩატარების დროს გამოვლენილი პრიორიტეტებიდან გამომდინარე და ასევე დამატებით 3 პროექტი.

დასრულებულ პროექტებს მოსახლეობა მიაწვდის გამგებლის წარმომადგენელს სოფელში, რომელიც ჩააბარებს ამ პროექტს გამგეობის კანცელარიაში.

### IV ეტაპი

#### მუნიციპალიტეტის სამსახურების მიერ პროექტების სრულყოფაში მოყვანა

##### 1 აგვისტო-1 სექტემბერი

მუნიციპალიტეტის კომპეტენტური სამსახურები ამოწმებენ( არ აფასებენ) და მოჰყავთ პროექტი სრულყოფაში. ეს იქნება მუშაობა ისეთ ასპექტებზე, როგორცაა: სამართლებრივი ასპექტები; ტექნიკური ასპექტები; ფინანსური ასპექტები; თვითმმართველოს მიერ კომპეტენციები და მოვალეობები.

**V ეტაპი**  
**შედეგების გამოცხადება -სექტემბერი**

მუნიციპალიტეტი წარმოადგენს საბოლოოდ მომზადებულ პროექტებს მოსახლეობასთან შეხვედრის დროს. ავრცელებს მას მასმედიის საშუალებით. ტვირთავს მზა პროექტებს მუნიციპალიტეტის საიტზე, ასევე პროექტები იტვირთება სპეციალურ ვებ-გვერდზე, სადაც შესაძლებელი იქნება იმის ნახვა თუ რეალიზაციის რომელ ეტაპზე იმყოფება აღნიშნული პროექტი.

**VI ეტაპი**  
**პროექტების და გეგმების ასახვა 2018 წლის ადგილობრივ ბიუჯეტში -ნოემბერი .**

**VII ეტაპი**  
**რეალიზაცია და მონიტორინგი.**